



SULEQATIGIISSESSUT
SAMARBEJDSPARTIET
UPA2020/95 + 193
Tillie Martinussen

Maajip 19-iat 2020 – Oqallinnissamik siunnersuutit

**Peqqinnissamut, suliniuteqarnissamut aningaasaqarnikkullu tunngasutigut qanoq ililluta
Coronavirusimut nutaamut siammasissumik tunngavilersukkamik, periusissamillu tamakkiinerusumik
qulakkeerinninnissatsinnut oqallisssatut siunnersuut.**

(Inatsisartunut ilaasortaq, Tillie Martinussen, Suleqatigiissitsisut)

aamma

**Qanoq iliorluni coronavirusip nunatta aningaasaqarneranut eqquinerlunnera
annikinnerpaamiitsinniarlugu nunatsinneersunik atuinerup annertunerpaamiitsissinnaanera pillugu
apeqquteqaat aallaavigalugu oqallisssiaq.**

(Siumup Inatsisartunut ilaasortaatitai)

1.

Covid-19-imut periusissiassaq siumut sammisoq pillugu Naalakkersuisut oqaluuserisassaanut ilanngunneqaqqammersoq Naalakkersuisullu oqallinngilaataanni oqallinnissarput qilanaaraarput. Naalakkersuisut Siulittaasuata oqaluuserisassanut ilanngummag uersualaarusupparput. Aqagu oqallisiginissaq qilanaaraarput.

Biltsit allannguutillu Naalakkersuisut tungaanniit allanngortinneqartunut aamma Siumuminngaanniit uani siunnersuummi matumani apeqqutigisaannut atatillugu oqarsinnaavugut biltsit aallarfissamut allamut allanngortinneqarsinnaangormata, aamma utertui maani nunatsinni hotelinut atorneqarsinnaammata nuannaarutiginartoq, kisianni oqaatigineqarsinnaavoq assersuutigalugu Danmarkimut siumut utimullu biltsi taama akeqartillugu nunatsinni hotelinut atugassanut utertussamaatissaqarpiarnavianiingilagut. Maani nunatsinni unnuinerit akisupput, taamaammallu takornariartitsisarnerup iluanut toqqaannaq tapiissuteqartoqaaannarsinnaagunaraluarpoq, akit utertinneqartut unnuilluni feeriernermut atorniarsarinagit. Taamatuttaaq paasisinnaavarput Air Greenlandimut tapiissuteqarsinnaalereernermet aqqissugaq inissinneqareermat, taamaalilluta Atlantiku qulaallugu timmisartuussinerit ilai imminut akilersinnaanngitsut attatiinnarsinnaavagut.

Tamassumunnga tunngatillugu pingarnerpaajugunarpoq biltsit kingusinnerusukkut angalasortatsinnut qanoq akeqalerumaarneri. Nunap iluani angalaneq akisoreerpoq, soorlu mittarfittaassat matussuserniarlugit aningaasartuutit qaffanneqareersimasut.

Piffissamut uunga uatsinnut akitsoqalersitsippugut, taamaattoq akit qaffariartussaapput, mittarfissat pingasut matussuserniarlugit, kiisalu taassuma saniatigut Coronamik nunarsuaq tamakkerlugu nalaataqarneq peqqutaalluni akit qaffassapput. Siunissami angalanissaq akisoorujunngortussaavoq, tamannalu siunertarineqanngikkaluarpoq. Siunissami tapiissutissat suut pilersaarutiginiarpagut? Akit qaffariarujussuarnissaat akueriniarlugu pilersarpugut? Siunissami angalariaaserput qanoq isikkoqassava? Siunissaq ungassissoq isigalugu tamassumunnga aaqqiissuteqarnissaq pisariaqarpoq, nunaqqatinnguagut nunarsuarmi nunatsinnilu angalasinnaaniassammata.

2.

Takornariartitsisarnerup ilaanik allanngortiterinissap aamma oqallisgineqarnissaq pisariaqartinneqarpoq, taamaasilluta takornariaqartitsinermit nukit sulisussat amigaateqarfinnut atugassiisutigissavagut. Niuertarfiit sorliit ammatinnissaminnt imminut akilersinnaasut sorliillu matuneqartariaqarnersut misissorneqarnissaat pisariaqarpoq.

Takornariaqarnerup napateeqqilernissaata tungaanut suliffeqarfeqarfiup ilaaniit atorfissaqartinneqartunut



sulisinik nuussiniarluta allannguisinnaavugut?

Sumi sipaarniarusuprugut, siunissami angalanissat akisoorujussuanngunnginnissaat piniarlugu? Aamma immitsinnut pilersaarutaasutut artukkerluta suli akiitoqalersissaagut?

Mittarfiit, immaqa Nuummiittoq minillugu, immaqa massakkut nalaataqarnitsinniunngitsoq, naatsorsuutigisamiit ukiorpassuarni tullinnguuttuni iluanaaruteqassanngillat. Taamaattumik pilersaarusiorniarta, ikilisaalluta, akissaqaqqilernissatta tungaanut. Pitsaanerusumik siumut sammisumik takornariaqarnermut periusissiussaagut? Nunatsinnut angalanermut bilitst akii appartinniarpagut, Air Greenland Mittarfeqarfiillu naleqqussassavagut, neriuullutalu angalasut amerleriassasut, tassani tunisat amerlinerussammata? Taamaalinikkullu nunatsinni aningaasaqarnermut tapersiilluta, amerlanerusunik? Ullumikkut aqagulu, aammattaaq siunissami qanoq iliorusuprugut?

Mittarfissanut pingasunut pilersaarutit unitsikkallassavagut, akissaqarfigeqqinnissaatalu tungaanut naleqqussarlugit?

Pissarsianit akiiliutit tassunga atorneqassappat, akiitsunik tigusinikkuunngitsoq, allatigullu aningaasaqarnikkut pissarsinikuunngitsoq, siunissami piffissap aalajangersimasup iluani suliffeqarfif imminut akilersinnaanerusumik ingerlatsisinaanerussammata? Tamatumalu kingorna qanoq perusuprugut? Siunissaq ungasinnerusoq eqqarsaatigalugu pilersaarutigut suuppat, suut pinngitsoorniarsarissavagut? Pingaerateqarpoq pissarsianit akiiliutit atoqattaannginnissaat, saliussinerli aamma, piviususersiornerlu siornatigut pikkoriffinginngissimasarput.

Inissaaleqineq, akiitsunik tigusineq tapiissutilu pisariallit

Ajornartoornermi uani pisariaqavissoraangat ikorfartoqatigiisssinnaanerput takuarput.

Angerlarsimaffeqanngitsut ikorsinnaasimavagut, kommunit Namminersorlutilu Oqartussat suleqatigiissimapput, Covid-19-imik nalaataqarnerup aallartiffiani sapaatit akunnerit siullerni partiit siulittaasui suleqatigiit aallartinneqarput – sukkasuumillu oqalliffittut atorneqarlni aallartippoq.

Tunillaassortunik Nappaalanersuaqarneranut Ataatsimiitaliarsuarmiit peqqinnissamut tunngasut ilanngussat atorsimavagut, kiisalu Naalagaaffeqatigineq tipaatsuutigisimavarput nunanilu avannarlerni peqatigiinneq isumassarsiffittut aallerfigisimallutigu, kiisalu aalajangersimalluinnartumik suleqatigiinneq. Savalimmiut Samarbejdspartiannut qujanaq, maani Suleqatigiissitsut partiip siulittaasuunut suleqatigiinnut Odensem Amplexami misissuinerput atortutsinnut ilisimasat attaveqarnerlu taakku ingerlateqqippaat, aammattaaq Danmarkimut qujanaq nammaqtigilliatalu eqqarsaatigimmatigut. Pisariaqarmat ikorfartoqatigiippugut, tamassumuunalu uummatigut nukittuunngorsarpai, nalaataqarnitsinnullu qisuarriaaterput ilanngullugu. Silarsuarmi kisimiilluni sulinissaq periarfissaasimannilaq, ataatsimoorlatalu nukittunerpaajuvugut.

Kisianni pissutsit ilai tammanngillat; mia. koruunit arlaqartut nalinganut inissaaleqivugut, kollegianut, atuarfinnut, najugaqarfinnik nutarterinernut, kiisalu nutaanik sanaartortitsinissamut sumiiffikkaanut pilersaarutit aallartinnissaat pisariaqartinneqarpoq, kisianni Sanaartornermut Illuliortitsinermullu Aningaasaateqarfimmiit aningaasanik aallernissaq aalajangiusimavarput. Suleqatigiissitsisuni isumaqpugut tamanna eqqortuuunngitsoq. Sanaartornermut Ilinniarfik nunatta ingerlatinnissaanut pisariaqartipparput, aningaasaqarnikkut pilersitseqqinnissatsinnut.

3.

Taamatuttaaq atuineq inuummarissassavarput, aamma inuit aningaasaqartinneruneratigut, taamaasilluta nunatta iluani atuissaagut, taamalu nunarsuaq tamakkerlugu akissakilliulerneup nalaani immitsinnut napatisalluta.

Tamanna isumaqpaoq akileraarutissat allagartaatigut soraarerussutisiassanut pinngitsoorani ileqqaarisussaatitaanerup kinguartinnissaa isumatusarnerusoq, taamalu inuit akileraartarnerat annerpaaamik 42%-imiinnissaa atuutsiinnarlugu.



SULEQATIGISSLISITSIUT
SAMARBEJDSPARTIET

Aamma imaa sinnaavoq kisitsimmik 1-mik 2-milluunniit apparneqarnissaa oqaluuserissagipput. Allaffissornikkullu annertuunik ilanngaassisariaarunnissaq isumaliutigissavarput, akiliisarfik Ilanngaassivik kujataanitut akiitsulinnut siunnersortittarfimmik taarsersinnaavarput. Taama isilluta systemit IT-lu aamma atortuulersitsinerit sipaaruteqarfigissavagut, taakku aningaasaqarnerup aaqqeqqinnissaata tungaanut aaqqiissutnik akikinnernik taarserneqarsinnaapput.

Minnerusumik inuussutissarsiutillit, sumiifinni suliffeqarfiiit minnerusut kiffartuussiviillu ataannarnissaannut pisinnaasarpot malillugu iliuuseqarnissarpot pingaaruteqarpoq. Taakkupput ajornartoernerup nalaani kingornalu suliffeqarfinnik peqqissunik napatsisinsinaerminnut periarfissallit, aningaasaatikillutik, pingaaruteqartupilussuvorlu pisortat suliffeqarfifiutigut kisiisa annaanniarnissaat peqqutaillugu inuussutissarsiortut namminersortut nungunnginnissaat. Tassani aamma eqqaamassavarput sipaarniarneq annernarsinnaasoq, kisianni pisariaqassappat naleqqussaanissarput pingaaruteqarpoq.

4.

Ingerlatseqatigiffiit akileraarutaat ukioq manna appartittariaqanngilarput, kisianni nalikillisaasarnermut maleruagassat allannguiffigisinnaavagut, qularnaarlugulu suliffeqarfimmi katersaniit akileraarfingineqartannginnissaq suliffeqarfiiit sinneqartoorutaasinaasut tamakkerlugit akiliutigineqaqquppata, taamaasillutik isumannaallisarneqassapput. Ajornartoernerme tamanna pingaaruteqarpasippoq.

Taamaattorli ulluni makkunani qaffasissunik soraarnerussutisiassanut akiliisitsisarpugut, taarsigassarsianillu qaffasissunik. Taarsigassarsiat misissortariaqarpagut kinguartillugillu imaluunniit piffissami killiliussami taamaatillugit.

Ajornanngitsumik kinguartinneqarsinnaasut tamarmik kinguartinneqarlik, oqaloqatigiittalu, partiit tamarmik peqataaffigisaannik, tamannalu naleqquttorsiorfigitigu. Aningaasaqarnerup pitsangornissaanut utaqqinitssini sanaartorneq ilinniartitaanerlu, ilinniagaqaqqinnejnq piginnaanngorsaqqiinerlu ukkataritigit. Aningaasanut Inatsit annertuumik misissortigu ataatsimoorlatalu pingaarnersiusa.

Oqallinneq paassisutissanik, naatsorsuinernik, siunissami pisinnaasut nassuaataannik tunngaveqartitsigu ammasumillu oqaloqatigiitta. Ilisimareerparput aalisarnermi akit appassasut, tassanngaanniillu iluanaarutit ingerlanerliulissagunarpot.

Takornariaqartitsineq siornatiguulli taama annertutiginikuunngisaannarpoq, suliassaqarfimmi tessani sorliit atuutsiinnarneqassanersut aamma sorlerni allanngorsaanissatsinnut ikuuffigisinnaasagut misissortigut. Umiarsuarnik takornariartaatinik takornarissat qanoq pineqassappat, siunissamilu angalanerit qanoq isikkoqassappat?

5.

Naalagaaffiup ataatsimoortumik tapiissutaa aamma – kissaatigigutsigu - illuliortiternermut sanaartornermullu suliassaqarfiiup Covid-19-ip kingunerisaanik qaangiiniarnitsinnut ikorsiinnaavaatigut, kisianni maannangaaq sipaarniuteqarnissamut siunnersuutit misissulereerniartigit, taarsigassarsiallu sorliit kinguartinneqarsinnaanersut ullunut pitsaanerusunut nuutsillugit.

Nunap unammersuartarfia, Inatsisartut illuutaat, erngup nukinganik nukissiorfiit missingersuusiarineqarnikut, IT-systemit, pisortatigut ingerlatsineq maannangaaq misissortariaqarpagut eqqarsaatigalugillu, taamaasilluta suliassaqarfinneersut eqqorneqarnerpaajusut ilinniagaqaqqitsissinnaallugillu naleqqussarsinnaavagut.

Suliffeqarfinnut ataannarnissaminnt periarfissalinnut tapersiineq isumatusarneruvoq, aamma maannangaaq aappassaanik pingajussaanilluunniit qanoq nalaataqaratarsinnaanerput isigniassavarput.

6.

Danmarkimut Savalimmiunullu ikiormatigut qujanaq. Ikorsiissutit ilaannik tunniussaqarnerannut, misissuinermullu atortunik ikuunnerannut. Tamanna qujamasuutigaarpot.



SULEQATIGIISITSISUT
SAMARBEJDSPARTNER

Ataatsimiittarfimmi suleqatigiinnerujartortilluta, nunarsuarmioqatitsinnitaaq suleqateqarneru jaortilluta
Kalaallit Nunaata inoqatittalu inissisimaffiat pitsanngoriartorpoq, ajornartorsiummillu
kivitseqatigiinnissatsinnut amerlanerulerluta.

Tamanna taamaallaat politikeritut sulinitsinnut akunnernik atukkatsinnik akeqarpoq, tamannalu
immikkullarissuuvoq. Maannakkut piareersarnerpassuarnitsigut aningaasaqarnitta appariarnissaa
kinguartippalput ukiunilu amerlasuuni tullinguuttuni taamaatsiinnassallutigu.

Kinguaassatta akiitsuutissaat annertuneruleratartissinnaavagut, tassanilu mianersoqquserusuppugut.
Pingaaruuteqarluinnarpooq naleqqussaanissarput, sipaarniarnissarput, akiitsunik tigusinissat kinguartillugit,
inuussutissarsiutinik naleqqussaalluta pisortaqarfinnillu, taamaasilluta ajornartoorneq
qanillisssanngilarput.

7.

Peqqinnissaqarfik, illuliortiternerit ilinniartitaanerlu sipaarniarfigerusunngilagut.

Kissaatigivarpuullu isumaginnittoqarfik pitsanngorsarnissaa, meeqqanut inuusuttunullu
siunertaqartinnerullugu, misissorlugulu allaffissornikkut suliassaqarfiiit oqimaatsut piffissami uani
allaffissornikkut ajornannginneruleritissinnaanerigut.

Nunatsinni kusanartumi innuttaasutta, silarsuullu sinnerani inuit amerlanerpaartaasa allatut
inuuneqalernerput sulisarnerpullu sungiappaat. Ataatsimiittarfimmi maani aamma taama ilissaagut.
Suliassaqarfiiit annertuut soorlu maani pineqartillugit, nunatsinni kusanartumi inuit nutaamik
suleriaasiliornissarput aamma suleqatigiissitanik nutaanik pilersitsinissarput pisariaqartippaat.
Maani inimi politikerit tamarmik matumunnga sulinermut ikorfartoqatigiillutik ilanngussaqarnissaat
pisariaqartippaat.

Aamma sumi qanolru sipaaruteqarniarluta, naleqqussaaniarluta, ukkataqarniarluta siumullu sammisumik
ningaasaqarnermik peqqissumik qulakkeerininnissatsinnut tamatta oqaaseqassasugut pisariaqartippaat.
Maani oqallinniinnakkuunngitsoq aamma partiit akimorlugit suleqatigiittut.

Nalunanngitsumik ataatsimoorluta Covid-19 pitsaanerpaamik isumagissavarput.